



Ramberg Fisk AS

8380 Ramberg

Sakshandsamar:

Torunn Slettemark Hovden

## Inspeksjonsrapport

### Inspeksjon ved Ramberg Fisk AS

### Kontrollnummer: 2020.006.I.FMNO

#### Kontaktpersonar ved inspeksjonen:

*Frå verksemda:*

Ole Olsen

*Frå Fylkesmannen i Nordland:*

Torunn Slettemark Hovden

*Andre deltakarar frå Fylkesmannen i Nordland:*

Espen Henriksen

#### Resultat frå inspeksjonen

Denne rapporten gjeld resultatet frå inspeksjon ved Ramberg Fisk AS den 12.03.2020. Rapporten er å sjå på som endeleg dersom vi ikkje får tilbakemelding om faktiske feil innan to veker etter at rapporten er motteken.

Fylkesmannen i Nordland avdekkja 4 avvik og éin merknad under inspeksjonen.

#### Avvik:

- Utslippspunktet for avløpet frå verksemda ligg høgare enn 10 meter under lågaste fjøre
- Verksemda manglar rutinar for handtering av farleg avfall. Lagring, levering og dokumentasjon for levering oppfyller ikkje krava.
- Verksemda har manglar ved sin internkontroll
- Verksemda har ikkje ein avfallsplan for hamna

#### Merknad:

- Verksemda sine dokumenterte rutinar for handtering av farleg avfall er mangelfulle

Avvik er nærare omtalte frå side 4 og utover i rapporten.

Oppfølginga etter inspeksjonen er nærare omtalt på side 3.

**Elektronisk dokumentert godkjenning, utan underskrift**

31. mars 2020	Torunn Slettemark Hovden	Oddlaug Ellen Knutsen
dato	kontrollør	seksjonsleiar

Fylkesmannen i Nordland

Kopi av rapporten blir send til:

- Flakstad kommune

## 1. Informasjon om den kontrollerte verksemda

### Ansvarleg eining

<b>Namn:</b> RAMBERG FISK AS	
<b>Organisasjonsnr.:</b> 980045730	<b>Eigd av:</b> 994492772
<b>Bransjenr. (NACE-kode):</b> 10.201 - Produksjon av saltfisk, tørrfisk og klippfisk	

### Kontrollert eining

<b>Namn:</b> JOH LUDVIG JOHANSEN	<b>Anleggsnr.:</b> 1859.0010.01
<b>Kommune:</b> Flakstad	<b>Fylke:</b> Nordland
<b>Anleggsaktivitet:</b> Fiskeforedling	
<b>Løyve gitt:</b>	<b>Sist endra:</b>

## 2. Bakgrunn for inspeksjonen

Inspeksjonen vart gjennomført for å kontrollere om gjeldende krav fastsatt i med heimel i forureiningslova blir følgt. Inspeksjonen er en del av Fylkesmannens risikobaserte industritilsyn for i år.

Tilsynet vart gjennomført med heimel i forureiningslova § 48.

### Inspeksjonstema

- Internkontroll
- Utslepp til vatn
- Avfall
- Avfallsplan for kaia

Rapporten gjeld avvik og merknadar som vart avdekka under inspeksjonen. Han gir ingen fullstendig tilstandsvurdering av miljøarbeidet eller miljøstatusen til verksemda.

### Definisjonar

**Avvik:** Manglande etterleving av krav fastsette i eller med heimel i lov.

**Merknad:** Eit tilhøve som tilsynsetatane meiner det er naudsynt å peike på for å ivareta ytre miljø, men som ikkje er omfatta av definisjonen for avvik.

**Andre tilhøve:** Saker som kom fram under inspeksjonen og som det kan vere nyttig for verksemda og sakshandsamarar å kjenne til. Informasjon om verksemda og kommentarar til tema som vart tekne opp under inspeksjonen, men som ikkje vart klassifisert som avvik eller merknader, kan også inngå her.

### **3. Oppfølging etter inspeksjonen**

Ramberg Fisk AS pliktar å rette opp avvika som er skildra i denne rapporten snarast. For at Fylkesmannen skal kunne avslutte saka, må Ramberg Fisk AS innan 15. juni 2020 sende ei skriftleg utgreiing som syner korleis avvik er retta opp i. Dersom dokker har gode grunnar til at krava om reinseanlegg og utseleppsrøyr ikkje kan bli oppfylt, må dokker innan den same fristen søke om unntak frå krava i forureiningsforskrifta § 26-3 (reinsing av prosessavløpsvatn) og/eller § 26-4 (krav til utseleppsrøyr). Vi har lagt ved eit notat med informasjon og rettleiing til fiskeforedlingsbedriftar som vurderer å søke unntak frå desse krava.

Vi ber om at dokker stilar svarbrevet eller e-post ([fmnopost@fylkesmannen.no](mailto:fmnopost@fylkesmannen.no)) til Fylkesmannen i Nordland v/Torunn Slettemark Hovden.

### **4. Vedtak om gebyr**

Vi viser til varsel og informasjon om gebyrplikt som vart gjeven til verksemda den 21. februar 2020. Verksemdar skal betale gebyr for kontrollar som er utført av Fylkesmannen i samsvar med § 39-3 i forureiningsforskrifta. Gebyret skal dekke kostnader med førebuing, gjennomføring og oppfølging av kontrollen. Gebyrsatsar for kontroll av verksemdar etter forureiningsloven er fastsett i forureiningsforskrifta §§ 39-7 og 39-8.

På bakgrunn av medgått og forventa ressursbruk blir Ramberg Fisk AS ilagt eit gebyr på kr 13 100,- for inspeksjonen, jf. forureiningsforskrifta §§ 39-7 og 39-8. Dette tilsvarar gebyrsats 4 for tilsyn på inntil éin dag. Verksemda kjem til å få ein faktura frå Miljødirektoratet for innbetaling til statskassa. Vi viser elles til kapittel 39 i forureiningsforskrifta for meir informasjon om innkreving av gebyr til statskassa.

#### **Klageadgang**

Dokker har rett til å klage på vedtaket om gebyr, jf. § 28 i forvaltningslova. Ei eventuell klage må vere grunngjeven og skal stilast til Miljødirektoratet, men skal sendast via Fylkesmannen i Nordland. Vi vil då vurdere om vedtaket skal endrast, eller sende saka vidare til Miljødirektoratet for eit endeleg vedtak. Ei eventuell klage gjer ikkje at vedtaket om gebyr blir utsett, så dokker må uansett betale fakturaen. Dersom Miljødirektoratet tek klaga til følge, vil delar av gebyret bli refundert.

### **5. Innsyn**

Denne rapporten kjem til å vere offentleg tilgjengeleg via postjournalen til Fylkesmannen i Nordland (jf. offentleglova).

### **6. Avvik**

Vi fant følgjande avvik under inspeksjonen:

#### **Avvik 1**

Utslippspunktet for avløpet frå verksemda ligg høgare enn 10 meter under lågaste fjøre

**Avvik frå:**

Forureiningsforskrifta § 26-4

**Kommentar:**

Etter forureiningsforskrifta skal utsleppsrøyret for prosessavløpsvatnet anten vere knytt til offentleg avløpsnett, eller leggst til sjø med god vassutskifting. Dersom utsleppsrøyret er lagt til sjø, skal utsleppspunktet til ei kvar tid liggje under vassoverflata. For store anlegg (dvs. som tek imot meir enn 1000 tonn fisk i året) skal utsleppspunktet vere 10 meter under lågaste fjøre. Ramberg Fisk AS tek imot rundt 1500 tonn fisk i året, og tilhøyrer difor kategorien «stort anlegg». Ramberg Fisk AS må byggje på avløpsrøyret slik at avløpet kjem lågare enn 10 meter under lågaste fjøre.

**Avvik 2**

Verksemnda manglar rutinar for handtering av farleg avfall. Lagring, levering og dokumentasjon for levering oppfyller ikkje krava.

**Avvik frå:**

Avfallsforskrifta §§ 11-5, 11-8 og 11-12.

**Kommentar:**

Farleg avfall skal, ifølge avfallsforskrifta § 11-5, takast hand om på ein forsvarleg måte, og alle som oppbevarer eller handterer farleg avfall skal treffe tiltak som er naudsynte for å unngå fare for forureining. Forsvarleg oppbevaring inneber mellom anna at flytande farleg avfall står på eit fast dekke, at det er moglegheit for oppsamling og at alle typar farleg avfall er tydeleg merka med innhald. Det er eit sluk like ved lagerplassen for farleg avfall. I tilfelle søl av flytande farleg avfall, vil truleg noko hamne i sluket. Dokker må gjere tiltak som sikrar moglegheit for oppsamling. Elles var noko av det farlege avfallet merka med innhald, men ikkje med avfallstoffnummer (NS-nr) eller EAL-kode. Ved å merke avfallet med slike koder, sikrar avfallsprodusenten (verksemnda) at avfallsselskapet kan handtere avfallet på rett måte. Det reduserer òg risikoen for at ulike typar farleg avfall blandast i same behaldar på lagerrommet.

Verksemnda kunne ikkje vise dokumentasjon på at farleg avfall var deklart ved levering til avfallsselskap. Registreringane i avfallsdeklarering.no viste at Ramberg Fisk AS ikkje har deklart farleg avfall sidan 2017. Etter avfallsforskrifta § 11-12 skal farleg avfall deklarerast ved levering. Dette gjer ein på avfallsdeklarering.no. Om ein ikkje vil gjere dette sjølv, kan ein gi eit avfallsselskap fullmakt til å deklare for seg, men det er likevel avfallsprodusenten (verksemnda) sitt ansvar at det skjer på rett vis, og verksemnda skal kunne legge fram dokumentasjon på det. I praksis tyder det at dokker skal kunne logge inn i avfallsdeklarering.no og vise at avfallet er deklart og levert på forsvarleg vis.

Det kom fram under intervjuet at verksemnda truleg ikkje har levert farleg avfall på fleire år. Farleg avfall skal etter § 11-8 i avfallsforskrifta leverast minst kvart år dersom det er meir enn 1 kg av det.



Figur 1 Det farlege avfallet er ikkje godt nok merka.

### Avvik 3

Verksemda har manglar ved sin internkontroll

#### Avvik frå:

Forskrift om systematisk helse-, miljø- og sikkerhetsarbeid i virksomheter (internkontrollforskrifta) § 5, andre ledd punkt 4 og 7

#### Kommentar:

Etter internkontrollforskrifta skal verksemda iverksette rutinar for å avdekke, rette opp og førebyggje brot på krav som er fastsett med heimel i helse-, miljø- og sikkerheitslovgivinga. Ramberg Fisk AS har ikkje rutinar for å inspisere at reinsekummen fungerer som han skal. Under tilsynet såg vi at det var ein lekkasje frå koplinga mellom eitt av innløpsrøyret og kummen. I dette tilfellet skulle verksemda hatt ein rutine som skildrar korleis kravet om reinsing (forureiningsforskrifta § 26-4) er ivareteke. Slike rutinar skal vere skriftlege.

Etter internkontrollforskrifta skal verksemda òg ha skriftlege mål for det ytre miljøet. Under intervjuet kom det fram at verksemda har eit munnleg, generelt mål om å påverke det ytre miljøet minst mogleg. Slike mål må vere skriftlege, og skal helst vere målbare, slik at dokker kan vurdere om dokker når måla dokkar, eller treng å gjere ein større innsats.

Vidare har verksemda skriftlege rutinar for handtering av farleg avfall, men rutinane er mangelfulle. I rutinane som verksemda har i dag, står det ikkje at ulike typar farleg avfall skal lagrast separat, det står ikkje korleis farleg avfall skal leverast eller at det farlege avfallet skal deklarerast ved levering. Sjå også avvik 2.

### Avvik 4

Verksemda har ikkje ein avfallsplan for kaia.

#### **Avvik frå:**

Forskrift om gjenvinning og behandling av avfall (avfallsforskrifta) § 20-6.

#### **Kommentarer:**

Under intervjuet kom det fram at dokker tek imot noko avfall frå båtane som legg til ved kaia dokkar. Etter avfallsforskrifta § 20-5 har dokker plikt til å etablere mottaksordningar for avfall, som svarar til behovet som båtførarar har når dei legg til kai. I tillegg har dokker ei plikt, etter § 20-6, til å lage ein skriftleg avfallsplan for mottak og handtering av avfallet som dokker tek imot frå båtar. Krava til innhald i denne planen er lista opp i vedlegg 1 i forureiningsforskrifta kapittel 20. Planen skal sendast inn til Fylkesmannen for godkjenning, og må senast inn til godkjenning på nytt kvart tredje år. Dette er for å sikre at avfallsplanen alltid speglar dei faktiske forholda rundt leveringsbehov og mottakstilbod.

På heimesida til klima- og miljøavdelinga til Fylkesmannen kan dokker lese meir om avfallsplan i hamn: <https://www.fylkesmannen.no/nb/Nordland/Miljo-og-klima/Forurensning/Nye-oppgaver-for-kystkommuner-havneansvarlige-og-Fylkesmannen/>.

Merk at det i vedlegg 1 i forureiningsforskrifta kapittel 20 òg er ei liste over kva slags informasjon som må vere tilgjengeleg for dei som legg til ved kaia.

## **7. Merknader**

Vi har ingen merknader.

## **8. Andre forhold**

## **9. Dokumentunderlag**

Lovgrunnlaget for inspeksjonen var:

- Lov om vern mot forurensninger og om avfall (forureiningslova) med underliggjande forskrifter
- Forskrift om begrensning av forurensning (forureiningsforskrifta)
- Forskrift om gjenvinning og behandling av avfall (avfallsforskrifta)
- Forskrift om systematisk helse-, miljø- og sikkerhetsarbeid i virksomheter (internkontrollforskrifta)